



Australian Embassy
Timor-Leste

COVID-19



8 Maiu 2020

Mensajen husi Embaixador Australia nian iha Timor-Leste, Peter Roberts



Hau espera katak ita bo'ot sira konsidera ami nia buletin regular kona-ba COVID-19 ne'e util ba ita-boot sira. Enkuantu ita kontinua hasoru dezafiu ne'ebé foun tanba surtu COVID-19, Governo Austrália servisu hamutuk ho Governo Timor-Leste hodi prepara, prevene no responde.

Iha ona kolaborasaun di'ak ne'ebé barak. Karik ita bo'ot sira haree tiha ona atinjimentu lubuk ida liuhosi ami nia Facebook, nia súmariu hanesan tuir mai ne'e.

Iha semana rua kotuk liu ba, Austrália:

- 01 Kontinua kontaktu nafatin ho Timor-Leste nia autoridade sira iha nivel altu. Priméiro Ministru Morrison ho Priméiro Ministru Taur Matan Ruak konversa ba malu ona liuhosi telefone, hanesan mós Ministra Negosius Estranjerus Payne ho Ministru Babo Soares. Liuhosi kontaktu metin entre lideransa sira ne'e ita bele asegura katak Austrália nia apoiu aliña no responde ba prioridade Timor-Leste nian. DFAT mós hala'o konversa regulár ho Embaixadora Timor-Leste nian iha Canberra, Sra. Inês Almeida.
- 02 Entrega tan ekipamentu médiku sira – ekipamentu ne'ebé fornese iha tempu ida neé mak monitor ba sinál vital pasiente nian hamutuk rua-nulu (20) ne'ebe sei uza iha Óspital Nasionál no facilidade izolamentu nian iha Vera Cruz. Obrigadu ba Royal Australasian College of Surgeons ne'ebé fornese ekipamentu sira ne'e, ho fundus husi governo Australia.
- 03 Apoiu Timor-Leste halo produsaun ba ekipamentu protesaun pesoál ne'ebé halo ho mákina imprime 3D inovativu. Ho apoiu husi governo Austrália, Catalpa International bele imprime ekipamentu protesaun ba ema nia oin iha rai laran, iha Timor-Leste.
- 04 Asegura katak informasaun kona-ba COVID-19 asesivel ba comunidade sira ne'ebé difisiénsia ho tilun ho apoiu finansiamentu ba interpretasaun lian ho jestura (sinál) ba notísia kalan nian no iha Sentru Integradu Jestaun Krize COVID-19.
- 05 Servisu hamutuk ho Sentru Integradu Jestaun Krize COVID-19 no Ministériu Saúde hodi dezenvolve planu sira atu estabelese tan facilidade ba izolamentu nian. Obrigadu ba Organizaun Mundiál ba Saúde, ONG Maluk Timor, St John of God no ami nia Programa Parseria ba Desinvolvimento Umano (sigla Inglés: PHD) mak fornese ona advokásia tékniku tuir nesidade ne'ebé iha hodi garantia katak facilidade hirak ne'e seguru ba pasiente no pesoál saúde sira, no mós proteje ita nia comunidade sira.





06 Suporta Unidade Patroalhamentu Fronteira atu implementa medida estadau emerjénsia sira, inklui kontrola fronteira no fatin karantina ho efetivu, liuhosi Austrália nia Polísia Federal (sigla Inglês: AFP) ne'ebé fornese ekipamentu ba nian no ekipamentu sira seluk ne'ebé esensial hodi halo patrulla.

07 Kontinua mantein relasaun metin entre ita nia forsa defeza sira enkuantu sira supporta operasaun durante períodu surtu COVID-19 nian. Xefe F-FDTL Maior General Lere Anan Timur no ninia belun Jenerál Angus Campbell, no Komandante Primeira Divizaun Maior Jenerál Jake Ellwood, liuhosi telefone, semana kotuk ko'alia ona kona-ba apoiu forte husi programa Koperasaun Defeza Austrália nian ba F-FDTL.

08 Prioritiza seguransa no bem-estar ba traballador Timoroan sira iha Austrália. Nune'e mós liga ba opsaun visto nian no supporta sira seluk ne'ebe mak oras ne'e fornese hela iha Austrália, ami servisu hodi asegura SEFOPE nia Departamentu Empregu Exterior bele kontinua ninia servisu hodi fó apoiu ba traballador Timoroan sira ne'ebé mak halo kontribuisaun ne'ebé importante ba sira nia familia no comunidade.

Hanesan mós ita-boot sira hotu, Embaixada Austrália sente orgullu atu hamutuk ho movimentu nasional hodi fó onra ba servisu-nain liña-oin sira ba sira nia kontribuisaun tomak. Embaixada mós desenvolve hela Akordu Saúde Mental no partsipa iha Push-Up challenge ka dezafia ba bomba-rai global ida hodi aumenta konxiénsia (haree took ba fotografia sira ne'ebé ami sei públika iha tempu badak!).



PARSEIRU NIA PERFÍL



ONG ba setór saúde Maluk Timor hala'ona asaun ne'ebé lais hodi responde ba surtu COVID-19, inklui fornese treinamentu ba pesoál saúde sira hamutuk nain 1,600 liu iha óspital no sentru fasilidade saúde sira hotu iha rai laran. Diretór Ezekutivu husi ONG Maluk Timor nian Doutór Jeremy Beckett hateten katak nia admira tebtebes ho governo Austrália no Timor-Leste nia kooperasaun hamutuk iha tempu difisil ida ne'e - "ida ne'e hatudu sentimentu ne'ebé réal katak ita hotu hamutuk ba períodu ida ne'e". Atu hatene liu-tan kona-ba servisu importante ne'ebé Maluk Timor halo, bele haree iha ami nia Facebook (Australia in Timor-Leste).

Address: Rua Mártires da Patria, Dili, Timor-Leste
Email: austemb_dili@dfat.gov.au
Phone: (670) 3322 111, Fax: (670) 332 2247



Australian Embassy
Timor-Leste

